

四庫全書薈要·乾隆御覽本

集部

欽定四庫全書會要

集部

御定歷代賦彙卷三十七

臣紀昀詳校

詳校官侯補通政司經歷臣郭祚斌

御定歷代賦彙卷三十七

都邑

齊都賦

魏
徐幹

齊國實坤德之膏腴而神州之奧府其川瀆則洪河洋

洋發源崑崙驚波沛厲浮沫揚奔南望無垠北顧無垠
兼葭蒼蒼莞菰沃若瑰禽異鳥羣萃乎其間帶華蹈縹
披紫垂丹應節往來翕習翩翻靈芝生乎丹石發翠葉

之煌煌其寶玩則玄蛤抱璣駮蚌含璫構厦殿以宏覆
起層榭以高驤龍楹螭桷山岳雲牆其後宮內庭嬪妾
之館衆偉所施極巧窮變然後修龍榜遊洪池折珊瑚
破琉璃日既反而西舍乃反宮而棲遲歡幸在側便嬖
侍隅含清歌以詠志流玄眸而微眄踈長褱以合節紛
翩翻其輕迅王乃乘華玉之輅駕玄駮之駿武騎星散
鈺鼓雷動旌旂虹亂盈乎靈囿之中於是羽旌咸興毛
羣盡起上蔽穹庭下被皋鼓

魯都賦

魏劉楨

昔大庭氏肇建厥居少昊受命亦都茲焉山則連岡屬
嶺曠魁峽北紫金揚輝於鴻崖水精潛光乎雲穴岱宗
邈其層秀千氣霧以高越其木則赤楸青松文莖蕙棠
洪榦百圍高徑穹皇竹則填彼山根陔彌阪域蒙雪含
霜不渝其色夏蕩攢包勁篠並殖翠實離離鳳凰攸食
水產衆夥各有彝倫頰首華尾豐顱重斷戴兵挾刃盤
甲曲鱗且觀其時謝節移和族綏宗招歡合好肅戒友

朋蛾者清眸顏若雪霜插曜日之珍筭珥明月之珠璫
舞人就列整飾容華和顏揚眸眄風長歌飄乎焱發身
如轉波尋虛騁迹顧與節和縱修裊以終曲若奔星之
赴河及其素秋二七天漢指馮民胥袂禊國於水游緹
帷彌津丹帳覆洲盖如飛鶴馬如遊魚應門巖巖朱扉
含光路殿歸其隆崇文陞獻其高驤聽迅雷於長除若
有聞而復亡其園囿苑沼駢闐接連淶池分浪以帶石
琅文隅瓊岸華玉依津邦乃大狩振揚武威教民即戎

講習與師絡幕包括連結營園毛羣隕殪羽族殲剝填
崎塞吠不可勝錄

趙都賦

魏
劉 邵

且敝邑者固靈州之敵宇而天下之雄國南則有洪川
巨瀆黃水濁河發源積石經拂太華灑為九流入於玄
波其東則有天浪水府百川是鍾包絡坤維連薄太濛
其北則有陶林玄壇增冰洹寒其西則有靈丘平圃斜
接崑崙其近則有天井句注飛狐太行璀璨環珞屬阜

連岡龍首嵯峨以峴鬱羊坂崙嶽以岷塘清漳發源濁
滄汨越湯泉涓沸洪波漂厲爾乃都城萬雉百里周迴
九衢交錯三門旁開層樓竦閣連棟結階峙華爵以表
甍若翔鳳之將飛正殿儼其造天朱櫺赫以舒光盤蚪
螭之蜿蜒承雄虹之飛梁結雲閣於南宇立叢臺於少
陽及至暮秋涉冬朔風烈寒猛豺鷲攫鷹隼奮翰國乃
講武狩於清源駕鷲冥之駮駮抗沖天之旌旃北連昭
餘南屬呼池西晒太陵東結繚河然後溪子放機戈矛

亂發決斑鬢破文頰當手斃僵應弦倒越爾乃進夫中
山名倡襄國妖女狄鞮妙音邯鄲才舞六八駢羅遞奏
迭舉體凌浮雲聲哀激楚其珍玩服物則崑山美玉玄
珠曲環輕綃啓繒織纊緜紉其器用良馬則六弓四弩
綠沉黃間堂溪魚腸丁零角端飛兔奚斯常驪紫燕豐
鬣確顛龍身鵠頸目如黃金蘭筋參精迅躡飛浮軼響
追聲若乃至季春元巳辰火熾光挺新贈往祓於水陽
朱幕蔽野綵帷連岡妖冶呈飾顏如春英

揚都賦

晉庾闡

予未聞揚都之巨偉也左滄海右岷山龜鳥津其落江
漢演其源碣金標乎象浦注桐栢乎玄川昔勾吳端委
延州儷臧高讓殆於庶幾英風亞乎潁陽土映黃旂之
景巒吐紫蓋之祥巖棲赤松之館岫啟縉雲之堂龍符
煥而夏德興羣神萃而玉帛昌也天包龍軫地奄衡霍
玄聖所遊陟方所託我皇晉之中興而駿命是廓靈運
啓於中宗天綱振其絕絡於是乎源澤浩養林阜隱蒼

彭蠡吞江荆牙吐瀨赴三峽之隘洞九川之會洋五嶺
而分流鼓沱潛而碎沛逢渤潑滙潢漾擁涌驚波霆激
駭浪山動東注尾閭呼噏洞庭茫若雲漢窈若青城其
山則重岡峨岿峻嶺崿岓陽侯鱗萃龍濤綺錯峭峩磊
砢鬼危蟠薄旁帶千溪下周萬壑木則灌以杞梓被以
沙棠結根九疑布葉天柱林為五嶽之苑材為八都之
府埽飛虹虧陽景拂白雪而增翠凌廣莫而敷穎竹則
籊風筍籊篠蕩林筵單棘筵箬翁蔚蕭疎貞條捎風勁

節集霧望之猗猗即之倩倩蒼筤之竿東南之箭其林
可遊其芳可薦草則陵苔海藻山英江蘼綸組菁茅繁
露卷施獸則駒駼狻猊鋸牙披蹄登重巘躡喋嶷噫氣
則風生噴沫則雨灑其間則有騰援夭矯閃儵柯杪風
母果然星流電遷或凌虛赴絕或繚繞希閒鳥則鷦鷯
孔翠丹穴之羽鳴鳳自歌翔鸞自舞魚則蛟鱣鱗鱗比
目鱮魴修鯤橫海長鯨偃波其中則有靈蛟白鼉之族
種繁六眸類豐三足鸚螺蛻骨寄居負蝥餘泉如輪文

砒如琢果則黃柑朱橙楊桃枇杷林蔚八桂之叢色耀
三珠之華爾其實怪則有瑤琨琅玕青碧素珉陽珠散
火陰甲潛珍雲英水玉錯耀龍鱗煥若金膏晃若燭銀
琉璃冰朗而外映珊瑚觸石而構翹牙簞裂文於象齒
火布濯穢於炎炎西徂石城則舟車之所混并東盡金
塘則方駕之所連箱其中則有龍坻華屋晨晁之舸青
雀飛臚舩鯢鼓施鷁首鋪於黃宮盤蛟纏於赤馬爰有
蘭堂華室高門重構羅鼎玉食絲竹並奏龍驥汗血於

廣塗朱輪擊轂而輻輳

劔閣賦

唐李白

咸陽之南直望五千里見雲峯之崔嵬前有劔閣橫斷
倚青天而中開上則松風蕭颯瑟颼有巴猿子相哀旁
則飛湍走壑灑石噴閣洶湧而驚雷送佳人兮此去復
何時以歸來望夫君兮安極我沉吟兮歎息視滄浪之
東注悲白日之西匿鴻別燕兮秋聲雲愁秦而暝色若
明月出於劔閣兮與君兩鄉對酒而相憶

錢塘賦

有序

宋

葛

澧

錢塘據東南之都會號天下繁盛之樂土其山川之秀麗井邑之浩穰人物之豐饒景槩之美詳詢熟覽實浮於名攷按圖籍見於前人之稱述備矣因摭其大略總而賦之具辭曰

如華大夫遺棄歆塵采擷芳英窮足力之所暨徧九垓而週行想見東南之域有名區焉據一方之都會萃萬景而敷榮羸糧首塗游雁寒暑始入其城徜徉蹠蹕四

縱觀鬱紛錯呈露莫能識覽目眩神聳惕慄而驚稔聞
搗藻先生謝迹人寰屏除俗慮繹黃庭之祕術韞征僑
之高趣眠雲嘯月隱林泉之勝處迺滌垢齋心鞠躬緩
步徐屈衡門情懇厥故曰先生高卧久矣斬有攸聞願
洞開而悉諭先生輟然笑曰眡子辭氣若有所覩有弗
當於中心者乎豈生於偏城下邑而未究雄藩巨鎮之
浩穰也邪子來前予語汝粵若一氣肇分二儀聿建有
清有濁或合或散疑為山嶽融為河漢五方各殊號名

爰辨鳥策篆素文該迹備顧茲都督之大府上當星紀
之躔次驗夏書之所別為揚州之內地春秋之際屬吳
春秋之後屬越嬴秦統於會稽歷世藩於東北至陳始
建錢塘之號當隋重置杭州之額總管府立於仁壽初
餘杭郡更於大業末唐武德時因名於開皇李子通後
嘗陷於公祐及貞觀之休明隸江南之疆場開元中分
東道之採訪乾元末歸江西之觀察厥後景福間荆鎮
海軍之節度聖宗淳化制寧海軍而改易有山有川有

市有廛提封千萬井丁壯幾萬千景槩之佳美百物之
富繁可指而言焉七雉維高數尋維厚轟然屹然長雲
斷岸敞以高臺穿以廊竇甃以陶甃覆以駕雷其出入
有譏其啓閉有守內足以衛居止外足以禦戎寇周表
連亘五十餘里眈眈然虎踞麟伏羅峯列岫是為州城
城中則有東西之陌南北之阡四達之衢九出之逵開
通且長方軌是夷清流中貫蕩漾漣漪畫船來艤郵亭
枕滹講禮會別去思披雲寶石七星清輝吳門彩虹橫

帶欄楯夾烝嘗樂延寶千秋普明清湖衆安通仙都亭
綺分瓜列各撫界分時則有壩南壩北東城西城開道
奉國溫泉水明中棚清波朝天清平巡邏糾集書警膏
繩剖析途巷標題坊號時則有通和延福廣文常慶興
禮會昌義和從訓慈孝清風安國延定通寶豐財紫雲
立政大書深刻誇詡爭勝坊中則有暨茨之垣墉肯初
之堂室上棟下宇以避燥濕構櫺關鍵以輝地闌綠窓
朱扉畫簾繡幕聳樓閣兮千門叢綺紈兮萬闕或對牖

而胥瞰或面水而穩植崇庠列峙交錯雜出如櫛密比
如麟疊集人家於焉而樂生稚艾於焉而燕息鑿井渴
飲實原饑食漢志載用物當足之言隋史有高禮惇龐
之說牧之具甲於天下之稱居正敘繁會雕麗之迹邑
屋華麗文忠公之記可稽萬屋相誇王文公之詠紀實
蔡侯云為一都會呂公云為天下劇伯鳳言地多奇勝
沈立言人物安逸世守良工競精舊業績畫函鞞刮摩
塼埴裂帛之規裁木之鉅初物器具交持遞挈百所為

備纖微罔闕背窳就攻豐阜積滯學古者不知力農之
勞通鬻者不知技巧之法熙熙陶陶含哺鼓腹沐浴皇
靈優游化國其阜通雜賄懋遷化居則建垂旌之思次
分朝夕之三市旗亭五重俯察百隧列族聯羣聚貨通
閭陳設有所次序有地度量有式偽飾有禁大質小劑
亮執其言胥師肆長各謹其令江帆海舶蜀商閩賈水
浮陸趨聯檣接武紅塵四合駢至叢貯澀語衆夥揮袂
飄舉息操倍筵功辨良苦迺有安康之楚金白膠汝南

之蒼草龜甲上黨之石蜜貨布劍南之縞紵綾錦其他
球琳琅玕鉛松怪石蠙珠縻絲柁榦栝柏金錫竹箭丹
銀齒革林漆絲枲蒲魚布帛信都之棗固安之栗暨浦
之三如奉化之海錯奇名異狀夥够堆積貿易者莫詳
其生博洽者疇克徧識其承流宣化聽訟訊獄則有官
府焉貴有正有貳有寮有屬賤有府有史有胥有徒牧
伯之宇雄峙於夾塏廉按之司對列於通衢繡栢雲楮
鏤檻文椀瓌榦虹梁藻井棹桴長廊廣廡連閣閉庭硬

礮緻砌渥彩紛敷塞門內立儀簷豁如於以植其畫戟
於以通其輅車列鍛垂獻警戒不虞詔條自是以宣揚
吏民於焉而奔趨聯識之第等殺並建征商之局據要
閣居園扉靜兮束矢罕入帑藏啟兮金帛廣儲醴礮權
酤秉式法而受授常平鎮城積紅腐而羨餘其歲月有
會有計其參考有籍有書庭無壅滯繫師帥之明健人
恥鬪訟由易俗於恬愉其常供正取時運而益大府之
用其休聲美政時傳而達天子之都毓材養士有學宮

焉肄業有舍勸講有堂模範有師切偲有友升降以齒
而人遵長幼之序漸摩有素而俗安禮義之守春秋祭
饗多儀必舉由是習先王之典歲時較藝工拙精分由
是勵循循之誘故得圃澤之多賢妹邦之君子楚材南
金汝穎神錐鼓篋朋來袍分鷺集俎豆莘莘獻酬交錯
歌唐誦虞泳仁蹈德長者皆不厭不倦幼者亦克岐克
嶷日就月將自強不息人人號為書淫處處稱其傳癖
念夏侯拾芥之言慕桓榮稽古之力杏壇茂蔭扇習習

之清風泮水澄波漾明明之皓魄衣冠不特盛於鄒魯
斷斷豈專美於洙泗輔助文德有武備焉養以稍食衣
以繒帛會以什伍居以營屯駐伯宗節龍山水軍船務
寶興捍江牢城統以節制訓以五兵淬刃沙浦刷馬江
濱大閱有時賞罰有經或揮左或揮右或三令或五申
暨暨詬詬堂堂烝烝跼跼惶惶儵眡廬鱸密須之鼓闕
鞏之甲繁弱烏號黃間千鈞枉絜殺鏃龍藻龜文偏聚
重龍矛鋌飄英奮烏合兮其陣猛厲鷹揚兮其敵勅稔

坐作進退疾徐疏數之節熟鈺鐸鐃旗旂公稍之名
器用犀兕人習精明陣整魚麗法嚴柳營勇者壯者大
以備不虞不庭弱者脆者小以充執役使令足以鎮南
國之疆宇足以暢皇家之威稜府地之北有吳山焉截
薛豈墮岷峩嶭嶠塔道邈倚刻隋可步英烈廟庭架植
其所伊昔楚國有臣子胥憤讒夫之浸潤哀天屬之非
辜解劔以祈漁父渡江而奔東吳五戰至郢而昭王大
去破塚鞭尸而宿耻已除聲光既振措國彊盛南服越

人北威齊晉徙闔閭之撫封實子胥之輔政逮夫差嗣
立宰嚭用事納句踐之幣遺欲伐齊而肆志雖輸忠讜
之諫覬寤君心莫逃讒佞之謀終行詭詐於戲身雖殞
而德愈光事雖往而名彌彰致黔黎之愛慕建祠宇於
高岡以迄於今餘千禩矣迴廊邃殿覃覃增壯直誠大
節謁謁騰芳顏貌如生濟濟鏘鏘孱夫觀之而激懦志
烈士過此則厲剛腸駮駮魏巔夏屋大啟萋萋歲裊輶
轍推推越軼埃塢炳耀曄曄仰攀雲兮俯杳眇是為堂

兮曰有美岷岵棧巖控壓羣峰飛翬考拱誕豁雲際前
瞻後盼左顧右睨江湖芻芻波瀾蕩沃翠屏碧嶂極目
無繫夫尊榮之飾必因聖人吟咏而後得誰其詠之我
仁宗皇帝夫景趣之佳必待賢者輯治而後顯疇其輯
之前守臣梅摯由是天下想望而玩慕邦人咨嗟而欣
喜當其陽和煥發景物華鮮值清明之後或禁火之前
依依之綠野無際茸茸之芳草連天撲春歡之燕乳啼
春恨之鶯遷汀蒲岸柳之裊娜紅葩綠萼之芊緜都人

士女妒艷爭妍鞚香韉擁翠駟闈郭溢郭累迹差肩駢
行似路要遮鮮扁水畔遲遲問誰人之袂楔林梢隱隱
知何處之鞦韆若曰山之氣候則變態而無窮卻躬遠
望穹林隱數出沒於杳靄嵐光翠色合散於空中移跗
近觀低坡崇岌彌絡開奠幽禽野鳥朝斫舞歡州城之
外有西湖焉泉流瀦匯廣深停蓄滌滌潔潏止而清些
瀉洶通潏動而聲些沙洲之垂柳綻嫩波心之浮圖弄
影湖干乃有千艘荃橈萬舸桂楫緋纜輕維蘭棹闢捷

行客遊人旁午雜遝或浮泛綠漪之上或艤泊他山之
背梵宇樸緡峯巒攝黯相攜首東水心定水宗福興福
惠明妙惠法善土宿其山有若外園其嶺有若鐵冶其
亭臺則有衆樂集賢在焉徙履回南淨慈佛慧昭慶普
寧淨因淨相真如寶林其山有若南屏其嶺有若慈雲
其亭觀則有發符白蓮在焉縱步尋西惠因香積法雨
法空廣果資國正濟六通其山有若靈石其嶺有若麥
嶺其亭檻則有流杯涵溪在焉隨徑甃北菩提招賢寶

積寶雲普濟寶勝智果壽星其山有若巾子其嶺有若
衣者其樓臺則有看經英游在焉傍西深入巖谷益秀
上下天竺靈隱靈鷲爭出奇巖互獻重岫煙籠黛染澤
通雲覆十里之松徑陰陰萬脈之列泉溜溜又其西則
南北高峯獨透羣嶺之表亭亭插天訖費浮雲在其下
而可以攀瑤光曳玉繩者也植中巖巖則有孤山西陵
報國宗因廣化開闔扉楹層厠碧瓦或跨閣於陞砌或
引泉於堂下在昔林逋傲世嘉遁慕冥冥之高飛潔皎

皎而率性幽居遂志遺累深隱飄飄杖屨泛泛小艇去
尋精刹步隨幽徑縱鶴翔雲延客反命常留長者之車
屢至公卿之迎蕙帳久虛而遺跡永存幾換園林而猶
佳故境芬芬播傳而不泯湖山得是以增勝誕安步屨
則有長隄隆隆防障橫卧湖心其長千尋其廣並輪增
卑培薄完繕砥平跨以徒杠夾以柳陰其他崑曰玉女
佛手洞曰煙霞香林石曰纜船隱士峯曰蓮花白雲亭
曰夜講映發塢曰大慈楓林塔曰慈雲黃皮澗曰呼猿

石門井曰金沙烹茗菴曰永安寶雲泉曰虎跑卧犀池

曰定箭湧金錢源龍濺袁松陳檜渦渚別嶼塢漾曲水

綠竹有並生之奇偃松有八面之美小嶺有飛來之號

高臺有翻經之志畫橋碧沼觸處逢之月觀歡亭時時

見矣或遠或近四週環列沙景幽趣殊蹤異迹名不可

以殫紀足亦藉於徧歷供騷人無窮之吟付丹青意外

之筆故張祐載樓臺高聳翠岑之言賈島有煙濃景晚

難狀之述春波千頃見文正之句魚躍蟬嘶形舜欽之

什楊蟠以百詠而譽佳元之以畫圖而顯飾每歲孟夏
初旬八日郡人數萬以胥會競縱羽鱗而祈福者天禧
中故丞相王冀公始請為放生之會也水涸則草生水
淺而葑橫深虞堙塞之漸力陳浚治之言者元祐歲前
內相蘇東坡敷奏乞興役之策也廣乎大哉東抵郭澀
之境西接新安之際申畫郊圻幾七百里之地若稽古
先建邦蕃衛以守民社以壯形勢設法備具莫盛於成
周之世析之則有隣有比統之則有鄉有遂豈王畿特

私然舉六服皆若是故得內外同歡遐邇均惠國家大
猷是經議事以制負觀典則損益其事總之有州附之
有縣縣則分鄉以識別鄉復分里以表異惟此錢塘疆
界既廣故立縣有十而縣之所治九十二鄉鄉之所管
四百二十有七里高原廣隰迺疆迺理其為縣也錢塘
置號以華信出私錢而築塘餘杭立名因秦皇舍舟航
而登陸於潛鹽官始自漢家臨安富陽更由晉室孫吳
分富春而剏新城之邑我宋以仁而易錢江之目南

新立當淳化之年昌化改在太平興國或為緊或為望
或為中或為上其為鄉為里制名取義亦各有所因焉
如曰七賢因覩仙客如曰新登因更縣額若茲之類有
所因而名鄉者如云勲貴因命錢鏐如云白雀因見
白雀若茲之類有所因而名里者也生齒居聚畜牧養
蕃有場有圃有廬有園有桑有梓有林有泉巖煙相望
雞犬相聞隱隱振振繚垣縣聯稱秀菰穗象耕鳥耘賽
華鄉之重秬散潢皋之香杭俗享再稔之利婦蠶八育

之縣家蓄鶴膝之器戶銜犀渠之精出入足以相友朋
救足以相生閒暇足以相樂急難足以相存頌白不負
戴於道幼疾各得所而安吳地舊俗歷世乃傳尊釋氏
以崇奉習巫覡以相先故蓮宮紛置五百三十有二而
祠廟建立一百七十有三其為寺也在內則有若承天
梵天廣慧竺林淨戒淨住明心法雲寧邦延壽仁王國
清寶月翠峯澄鑒福明在外則有若寶輪龍光畫錦瑞
竹朱金龍華雲霄淨福靈耀普光圓通正覺昕慈靈巖

忻平石室紺園洞啟淨土廣闢殿閣橫敞廊廡深邃寶
相璘瑯花香列衛光以聖丹飾以金貝珊瑚琳碧璫珉
翡翠藻繡織緝瑰奇屬綴雕甍繪楹爭華競麗幡幢雜
出搖搖曳曳梵歌咽音磬低鈸厲晨魚數擊散落民家
暮鐘杳杳縱橫四起其為廟也近則武烈普濟福安福
利福隆廣靈武寧衛寧保定立德護國始興夫差皋亭
威勇老人遠則保慶興聖彭澤七松隆福迎陽安惠桑
亭廣慶懷柔徐偃郭文塔山松溪白石崇寧雄姿偉貌

仗衛森然或因功血食或以德顯名或當朝近世或數
百千齡載於祀典咸秩其文傳記紀厥美實金石播厥
馨芬至若早潦流行札瘥驟起竭履虔禱肅將祀事立
致感格默符人意故茲信仰弗怠弗替若夫疆圉形勢
則有羣山焉鳳凰白鹿秦望鑿石功臣衣錦壁茂安國
岸粵金牛流襄峻立石甌金硯玉座與邑阿頂獨角金
樓華石峴曰顧望墩曰仙姥嶺曰金鷲峯曰卓筆巖則
虎頭雞棲龍池朱積惟名山暨幽洞多異事及靈跡或

振奇於一時或罕聞於曩昔如臨平山石鼓嘗出唯張
華有言用蜀桐可擊天井開兮涸溢蔑增損龍洞闢兮
源深不可測如曰仙姥則裴姥嘗居采衆卉之華蕊因
釀酒以當壚異人來飲授藥與俱如曰僊穴則有僊客
回鸞駐蹠雖有獵徒之偶到第見白鶴之飛空如曰金
錢有僧智度棲隱山巔忽覩神人之出現因建精舍以
相傳言其山勢縈嶽峻增屹竝峯峩巖窠剝施帶
嶽猶雲之蒸猶林之疊猶獸之蹲猶陣之列或如旒垂

或如佩委或如鼎峙或如壁植遶者若朝近者若捧在
後若拱居前若揖繚若篆籀妥若弭伏揭若甌桓亦若
秃鬪其上乃有薜荔芷木蒲黃牛膝桃李梅杏柑橘棗
栗薑藿芋蒜葵蘇芹蕨榆柳楓檀桑柘梓櫟葆莖淡箭
葦苔茅荻髮蔓滋茂雨培露植攢柯挈莖重韻掩葉素
蕊丹秀紫房青壁麗藻燦燦芳蕤馥馥楠蠹森萃冒霜
停雪侯樵侯採莫有藝極噫嘻山雖多矣莫若天目為
大焉其廣也屢屐甌隙縈繞盤礴連延負壓週遭有八

百里其高也侵接霄漢彌茫眇眇莫見其脊凡三萬九千尺仰太虛兮日月低坐絕頂兮乾坤窄圍八極於寸眸撫四海於一息帶絡虹蜺襟包塊軋其上則有東西澗可度谷塢澳湖蛟龍池其冢坦平兩湖對列若人之有雙眸茲其名曰天目又有洞府三十六所每至深秋風雨晦冥而叵測蓋靈異之所潛藏神仙於焉居宅異時嘗有徐五仙張道陵或餌霞而服氣或舉室而飛昇近世亦聞隱者結廬危層高卧棲真每下眇山半蒼蔚

紉濟如聞嬰兒之聲必有霧霈虛霄大雷大霆則其穹
窿峻極復可知矣主之有神司之有責風颺颺兮宣威
雲霏霏兮降澤濛濛其零祁祁遂及以沃我田野以稔
我稼穡山所藎藎布濩蟬聯觸類推覈斯可略言其木
則山榎山樗杻檍椴檜楸檉檟檉檉檉檉檉檉檉檉
喬杭樛垂翁鬱愛葑吐葩颺蕤杉松青青並榦接枝其
高千仞其大百圍擁腫拳曲發飢權奇蔓根鎖石落影
卧溪其草則有若苜蓿諸蔗苓芴薺薊藟類旨鷓菴蘆

蓬蒿芊芊散葉茸茸合蒂瓣華黝條竦擢豔異萬色爭
妍干枝鬪麗其羽則有若鸞鸞鷓鴣鵲鷓鴣鷓鴣鷓鴣
鷓鴣鷓鴣鷓鴣排虛軒翥于參差近呼遠應木巢草棲
或曳尾而食或理翮而飛其毛羣則有若犖撮白魁踰
羶猓獫狫蒙翥翥麟麋兔駮駮駮駮駮駮駮駮駮駮駮駮
藏密林或長養幽巖或馳逐而風雲起或吟嘯而山谷
寒若夫疏通灌溉則有衆流焉溪則停辭石鑿頰口上
轉無他平渡下阮盤石曰苔曰猷曰松曰葛湖則御息

明聖陽陂臨平南上南下明星建寧曰查曰北曰高曰
谷渡則鹽橋廟山占渡剡口塘則武丞捍海沙河其諸
潭則浣沙玉兒浦則百尺明珠渠曰五福濠曰中外或
始濟或增治或築以去害或開而興利或因事建名或
因名顯義如停辭溪始於范蠡欲開鑿為山通浙江之
水因民弗願辭訴而停焉如南下湖修於歸珖溉公私
之大田興利澤於無窮因對上都以立名焉在臨平湖
則開通壅塞以顯祥得石湖邊以呈瑞築捍海塘則疆

弩射濤以弭衝決詩什投海以回潮勢茲惟神奇之殊
迹因以播傳於後世言其經理開竇釀流隄塍相輶或
遂之縱或溝之橫或洫之廣或澮之深以列以舍以寫
以揚以蓄以止以蕩以均潦則引出俾免滔溢曠則通
入以遂耕耘噫嘻水雖衆矣莫若浙江為大焉自婺歙
之深山合二州而發源流會派派東下淪奔由建德注
富春而後入海昔神禹行水嘗躬臨其崖厥後而守橫
渡會稽想其服乘之車馬儀衛之旌麾鐘鼓撞磕原野

生輝應足以暢文宣武普暨博施若江流之浩蕩盡目
力而渺淼沈沈瀟瀟從瀉瀆還茲其深些湯牯沓滅漉
漉洑沓茲其流些貌也宏宏湜湜瀾瀾渾渾漠漠廣也泝泆
瀦澗泝泝西顧則疑濶濶汜東盼則恐近扶桑歲
時之潮有信不妄其大必於哉生明月既望其微必於
上澣之休下旬之半當星虛之正中異三時之汎濫湧
激澎湃浩漑滉瀆浴日之波浮天之浪沸騰回復其高
數丈眇覲若赴敵大兵貫弓捧戟攢刃列仗爭先挺出

破浪以濟以涉自西自東或南或北輕颿健櫓朝吳暮
越以言所產則有若鯨鯢鯢鯢鯢鯢鯢鯢鯢鯢鯢鯢
鯢鯢鯢鯢鯢鯢鯢鯢鯢鯢鯢鯢鯢鯢鯢鯢鯢鯢鯢鯢鯢
交設網罟互撒其他水蟲水草水畜水鳥傳記鮮備方
言莫考筆難覩縷而細道至若烏雲入河兮俗仰諸葛
之神十石大瓠兮衆嗟張儼之奇光怪生於先壠知孫
氏之當興斂版而見長吏美凌統之肅祇柯相因溺舟
而顯異元遜以老桑而爛龜寄魚還刀兮術嘉子恭靈

運欲至兮夢應明師猛獸報郭文之德鄉譽高叔孫之
為却練顯孫謙之潔猾吏畏允恭之威江岩剖石而獲
紫玉之珍廉使繪圖而獻蔓竹之枝仰孝義於公弁之
門慕道德於吳筠之碑詰偽駁假人服其明者張無擇
之為參軍也風流雅韻播於吳中者房孺復之為州牧
也臯尹盧於中江破曹休於石亭征六安不務微倖圍
珠崖力諫無行則全琮之將略殊於衆也挺直致主剛
毅不跲載筆謂君舉必書還笏扼豔嬖之立則遂良之

秉節尤足尚也匠施及泉之工俗享勿幕之利二三散
處永世叵廢則李泌之政誠可嘉也增築塘隄時其鍾
泄以灌以溉勿湮勿窒則居易之澤是足道也禪師振
錫而歸淨界德興述序以送之惠皎石壁而鏤法華元
稹撰記以紀之候仙亭立於韓仲聞之任觀風亭初於
裴庶子之時見山置於盧子望冷泉建於元左司清輝
之榜未掛幽致想嚴郎之風度胥山之銘已刊敘實見
元輔之芳詞虛白花開兮念賢牧之栽殖南庭記成兮

仰子烈之施為術士識牛斗之王氣紹威薦羅隱之能
詩錦樓集成兮傳元瓘之篇章庖人疾愈兮悟靈龜之
酬私陳文惠以薪土易籠石而就工杜偉長自官浦至
沙徑而築隄范文正發粟游燕大施荒政之惠耳沈文
通鉏治姦蠹人皆繪像以祠之砌石為函接竹引水以
注六井散在閭里而一城足用者長樂陳公之恩以及
民也因舊佛祠初新道觀前旌錢氏之順服後作臣子
之獎勸而表忠為名者清獻趙公之請以有立也以至

仙人臺高兮聞琴瑟之音陌上花開兮起緩緩之詠燈
市於祥符而尤盛九曲花王有吉祥而冬日豔異亭榜
碧波於道左堂標中和於府內南園之萬卉爭春別圃
之翠幄殊麗羽宮之三教名垂理公之石室仍置百尺
之佛樓齊巖後嶺之鰻井洩洩前建後增昔殊今異遠
覽近觀萃佳擅美慕散域中孰窮孰計先生言未既如
華盱衡愕眙曰富哉言乎可謂多聞而博識者也僕常
聞之有唐之世分符守土多用名曹星郎老成宿望而

名世佳士蓋嘗酸辛哀鳴投書相府願擁朱轡一闖是境而終不可得者今茲先生羣曉猿侶夜鶴雲冠霞裳鴻飛遁迹藝苑百家飽爛胃臆日玩山川之勝槩優為聖代之真逸其至幸乎是言也播之天下傳之後世雖千萬齡之永足以知今重熙累洽極富極貴比迹於二帝三皇之盛際其蕃方外地尚至於此則內之宸居帝都其皇皇之美赫赫之盛雖駕江河之辯禿南山之竹亦不能形容其萬一若茲山川祠廟之號名閭里景物

之故迹因革興廢之所由人材產殖之攸出括古今之
流傳備版圖之闕失則將即此以覈實徐磨折而復請
曰我宋中華疆境萬里太平一方名邦大域持勝相誇
如大江之南則有建康劔閣之西則有成都彼二邦者
青山碧水與夫邑都非不衆且雄些然莫儷茲之盛者
豈有說乎先生曰猗嗟二邦昔事詎忍言哉夫風聲氣
俗繫一時理亂而盛衰景趣由羣情憂愉雖歷年已久
而未能悉變譬若病既痊而尚覺羸癯劉備鼎分之時

鄧艾鍾會之討伐東晉建都之後祖約蘇峻之戰爭去
世愈遠姑置勿談至其近代之事則可按典籍而推言
稽昔唐季王綱縱弛姦雄伺隙而虓闕攘臂唾掌而競
起僭竊位號者有焉逐鹿四方者多矣逮朱梁既立之
後咸負固而列峙由是王建據蜀閔晷至後唐莊宗之
時當同光乙酉之歲迺詔軍將曰郭崇韜舉兵往伐所
鄉奔潰翦除妖孽削平僭偽即以孟知祥鎮撫而臨治
及明宗應順之初知祥復肆其姦計跳梁一方攫挾傲

睨豈非僻處方隅保棧閣靈闕之阻又幸中邦之多故
因得逞爪牙而搏噬乎當彼之時五六十歲之間經幾
戰而幾爭封豕其土糜爛其民鉦鼓一過則牛羊竄伏
士卒所至則草木戕殘我宋龍飛乾德二年爰命全斌
副以仁瞻統師西征入境問臯故蜀祖始降而劔嶺屬
內若夫建康之事亦大同而小異始唐明宗本以徐溫
而鎮守至晉天福厥子知誥迺竊位自稱唐裔還姓李
氏建國立號昇殂璟嗣恃長江之險保甲兵之利我太

祖之御宇應天神而順舉愛惜元元之生命姑與包容
之未取待其自悛十有五年輕肆桀驚終昧神天致皇
威赫怒而大軍首南擁以罷獯度以龍船驍兵銳卒既
逾采石一入其城李煜遂擒彼二邦者如成都之濯錦
江浣花溪武都山錦里城與夫相如之舊壚子雲之故
居君平之筮肆子美之草堂之類如建康之龍洞山白
鷺洲烏衣巷華林園以至齊武射雉之地鳳凰棲集之
臺大江秦淮之波濤茅山蔣山之崔嵬之類非無風光

之美景物象之繽紛可以搜羅而賦詠可以悅目而娛
情奈何自前世之用武罹兵火之蕩滅頽垣廢址鼠穿
狐穴殘刻斷礎燒昏塵沒幸逢聖世昌運大來睿澤洋
溢而無類鴻恩共被其根荻道綏德撫薰釀涵浸一百
五十載之久矣風聲氣俗雖移易而一於正而山川景
趣猶未克遠邁於雅無征戰之邦也如論錢塘請申厥
旨自唐乾符之後擁戎車者接軌徐綰劉浩之徒孫儒
董昌之輩或毒螫於淮甸之邦或剽掠於二浙之內蘇

常近境允常故都鞠為戰場蕩為兵墟至錢塘則不然
賴守土以安居雖黃巢之衆不能逾臨安而深入雖田
頽之暴弗克破北門而馳驅歷五季之後迄聖朝之初
幾百年間安堵無虞干戈有備而不試四民奠枕於里
閭方太宗皇帝之當天繫太平興國之三年鏐喬曰倣
遂捧圖籍以所管而獻焉是邦之內曰民曰軍詎知血
戰之憂苦疇當矢石之辛勤矧歷休平八聖相承鋪鴻
藻申景鑠灑德波散休明教條備民風純小而任一同

之宰皆是榮途之遴選大而擁麾旄之牧莫非鵷行之
貴臣勤勞勸課惠養斯民茲其繁富日增者也茹華曰
二邦以戰爭而其迹若彼錢塘以效順而其盛如此非
特其邦也三家苗裔盛衰同之且清時待士如皇天罔
私盖有臧而有否豈特用而特遺質以禍福報應之明
驗實緣忠順惡逆之殊歸因先生之言將使忠臣義士
聞之而咸奮又足以貽萬世姦宄之永戒者也雖然是
邦之內或今或古抑有遺美可以為風化之補者乎先

生曰昔者范子安不受蒲輪之名命褚伯玉優游林泉而自娛或追謚而褒其節或立館以安其居孫鍾色養而孝行感天成緬廬墓而紫芝顯符或致司命之降顧或得旌表於門閭此其高尚之操純孝之行尊之榮之足以粉飾王政當今天子將聖在上賢公相以道弼丞孜孜圖治勉勵精惟是崇化阜俗之本常加宵旰探討之誠逸民之舉孝廉之科旌表之式追謚之榮即聞講求而悉行矣如華曰大哉言矣經國懿範豈伊地

美實美風俗豈伊迹厚實厚人倫儻緣踈遠而難達盍
亦投獻於搢紳或因言以寤意將探撫而申明庶或不
負煌煌帝言言訖曳踵而退

會稽風俗賦

有序

宋

王十朋

昔司馬相如作上林賦設子虛烏有先生亡是公三人
相荅難子虛虛言也烏有先生者烏有是事也亡是公
者亡是人也故其辭多夸而其事不實如盧橘黃甘之
類蓋上林所無者猶莊生之寓言也予賦會稽雖文采

不足以擬相如之萬一然事皆實錄故設為子真無妄
先生有君荅問之辭子真者誠言也無妄者不虛也有
君者有是事也以反相如之說焉

有客過越自稱子真介於無妄先生贄見於有君謁入
乃膝而前曰聞有君之名雅矣今幸際顏色聆話言僕
輒有請君其聽焉君世家於越以風流自命業傳緇素
才播歌詠越之山川人物古今風俗載在君腹願聞其
略可乎有君乃斂衽肅容謝曰唯唯客姑坐焉吾以語

爾越於九域分曰揚州仰瞻天文度當斗牛在辰為丑
自夏而侯郡於秦漢霸於春秋州於隋而使於唐公有
素而王有鏐因種山而中宅廓蠡城而外周龍樓翼而
乾峙石竇伏而吳流法天門兮地戶惟崑崙兮是倅實
東南之大府號天下之無公其山則鬱鬱蒼蒼巖巖鬼
鬼磅礴蜿蟺峭崿崑崙崑崙崑崙崑崙崑崙崑崙崑崙
或阜或阜或斷而聯或昂而低虎卧龜蹲龍盤鳳迴舒
為屏障峙為樓臺掩映江湖明滅雲霓八山中藏千峯

周回彭鮑名存蛾馬迹迷鉅者南鎮是為會稽洞曰陽
明羣仙所棲石傘如張石帆如揚石簣如藏石鷄如翔
石壁匪泥石甕匪攜香爐自煙天柱可梯韞玉有筍降
仙有臺禹穴盲而叵探葛巖蜚而自來射堂豐凶之的
宛委日月之珪應天上之玉衡直海中之蓬萊至若嵎
山歸其東塗山屹其西阜至繇蜀龜來自齊梅山乃隱
吏之窟宇蘿蓋西子之閨五泄爭奇於鴈蕩四明競秀
於天台五雲中令之故居十峯曇翼之招提故越為之

首兮刻為之面兮沃洲天姥著兮目兮金庭桐柏仙子
庀兮南明嵌崆寶相湧兮南巖嵯峨海迹古兮陟秦望
而望秦兮登洛思而思洛兮采葛食蕺敬弔前王兮修
竹茂林緬想陳迹兮連山如珠秦皇之所驅兮摩山如
玦亞夫之所割兮北幹隱兮明月在東山卧兮白雲迷
少微寂兮幽鳥怨太白金兮野猿啼其水則浩淼泓澄
散漫繁迂漲焉而天風焉而波淨焉如練瑩焉如磨溢
而為江瀦而為湖為沼為沚為潢為汙匯為陂澤疏為

溝渠浸而田疇淤而泥塗生我稻梁溉我果蔬集有鳧
鴈戲有龜魚實有菱芡香有芙蓉鶻舟如擊馬楫如驅
船龍天矯橋獸睂盱堰限江河津通漕輸航甌舶閩浮
鄞達吳浪槩風帆千艘萬艦大武挽絳五丁譟呼榜人
奏功千里須臾境絕利博莫如鑑湖有八百里之回環
灌九千頃之膏腴浮賀監之家浸允常之都人在鑑中
舟行畫圖五月清涼人間所無有菱歌兮聲峭有蓮女
兮貌都日出兮煙消漁郎兮嘯呼東泛曹江哀彼孝娥

西觀驚濤弔夫子胥槩浦思夫槩之封翁洲訪偃王之
廬葺醪投兮治吳國扁舟去兮變陶朱鼓樵風兮游若
邪興雪權兮尋隱居禊事修兮觴蘭渚陶泓沐兮池戒
珠了溪鑿兮禹功畢刑塘築兮長人誅酌菲泉兮懷古
飲清白兮自娛其物則有魚鹽之饒竹箭之美山涵海
蓄言其有幾貢入王室利周遐邇耕焉以火耨焉以水
南風翼苗翠浪千里穠稔一空玉粒如峙炊粳釀秫既
甘且旨糜黍之奇號為第一龍精僂僂吐絲滿室萬草

千花機軸中出綾紗繒殼雪積練匹木則楓挺千丈松
封五夫桐栢合生檫棊異隅文梓梗枏檠柞檣榆連理
之柯合抱之株乃斧乃斤以輿以廬乃有蕭山陸吉諸
暨三如胡枏成林賀瓜滿區棗實全赤檣腮半朱火棊
殼玉櫻桃薦珠鴨脚含黃雞頭去盧百益七絕之奇雙
頭四角之殊蔗有崑崙之號梅有官長之呼蔓生則馬
乳蓼萸土實則鳧茨慈菰鱗蟲水族海生池養丁首丙
尾皤腹縮項赤鱗文鱧玄鯽黃鱓漁人駢集以釣以網

羹金膾玉不數熊掌能言之鶩善鳴之鶩輸芒之蟹孕
珠之贏文身合氏之子跛足從事之徒街填巷委與土
同多異獸珍禽屑銅吐綬猛虎負子靈鳥送穀鳳棲鹿
化鶴拾鴈耨熊羆狸豹猴獾猿狄鷄銜鷓吐鶯求鷄鬪
鷗浮鷓浴鴉寒馵瘦巧婦錐喙春鋤雪脰林棲水宿修
尾長味江湖為籠山林為囿以牡以牝以飛以走甲第
名園奇葩異香牡丹如洛芍藥如揚木蘭載新海榴懷
芳鞠山黃花蘭亭國香天衣杜鵑東山薔薇湖映香雪

鑑生水芝鴛梅並蒂仙桂丹枝司花騁巧天女效奇桃

李漫山臧獲視之藥物之產不知其名白朮丹參甘菊

黃精吳萸越桃禹糧石英薊訓鬻之以療疾彭祖服之

而延齡秦皇求之而莫致葛仙餌之而飛升日鑄雪芽

卧龍瑞草瀑嶺稱仙茗山鬪好顧渚爭先建溪同蚤碾

塵飛玉甌濤翻皓生兩腋之清風興飄飄於蓬島剡藤

番番管城斑斑冰敲嶮水竹翦顧園製於蒙蔡之手游

於義獻之間友陳玄與端紫同文字於人寰至若龍護

金書苔封石刻苗山金玉邪董銅錫黃帝之鑑神禹之
璧歐冶之劍蔡邕之笛虞翻之牀秦皇之石淳碑斯篆
江筆肅墨雷鼓銅漏梅梁窆石壘金履鐵嬰銅印玉胎
草蹄石黃竹神木流黃漢簞錚子周樂活人之草止痛
之木柘敷榮而花含戚天雨錢而山儲粟皆希世之奇
迹盖欲言而不足其人則見於吳越春秋會稽典錄圖
經地志歷代簡牘大書特書班班滿目孝者悌者忠者
義者廉者遜者智者健者優於文辭者長於吏事者擢

秀科目之榮者策名卿相之貴者殺身以成仁者隱居以求志者埋光屠釣之微者晦迹佛老之異者虞翻之言有所不能盡朱育之對有所不能既予亦焉能縷數之哉姑摘其尤之一二前則種蠡計碗號賢大夫後則嚴助買臣直承明廬孝悌則張萬和之父子韓靈敏之弟昆鄧斯祈樊自殺以代臯董黯朱魏報讐而名聞或濕衣以障火或泣血以戢焚或銜哀而廬墓或負土以成墳或以行而名里或以義而旌門懿矣三女賢哉二

娥處子之孝凜然可多節義則黃公居四皓之列魏少

英參八雋之儔蒙難衛主則有若丁潭委身受命則有

若王修虞喜躬歲寒之操孔愉洪止足之謀或一門死

三世之義或一邑萃三康之流至若松陽柳朱永寧翟

素婦節崢嶸蹈死不顧卓行則鄭洪韓說鍾離意朱雋

戴就舉於孝廉虞潭孔奐沈融朱仕明舉於秀茂虞寄

起於對策趙曄擢於有道陳子公退侵地之藩鍾離牧

拒慙還之稻循吏則有還珠孟嘗致鴈虞國希銑遺四

州之愛夏香著歷任之績儒學則王充以論衡顯沈珣
以大義稱謝沈謝承之史學孔僉孔祛之明經賀孝先
擅儒宗之號虞伯施剽博學之名文章則孫興公揆金
聲之賦徐季海揮玉堂之策曄若春榮則任奕虞翔文
不加點則四明狂客二賀二虞蜚聲籍籍吳融十詔成
於俄刻隱逸則嚴謝秦方述儋充符方術則介象吳範
嚴卿夷吾丹青則孫遇道芬筆札則孔琳徐嶠浮屠則
道林靈澈神仙則劉晨阮肇乃有溪上浣紗之女林間

舞劍之姝色白天下氣雄萬夫故勾踐復國也有六千
君子項氏崛起也有八千子弟霸有江淞橫行當代彼
二霸之得人尚斗量而車載矧歷代之人材亦足明其
大槩逮我國朝尤號多士二百年間不可勝紀大則杜
正獻之勲德次則孫威敏之功名姚夕郎司元祐之直
顧內相號江南之英萬石雲仍匪建則慶二陸棠棣如
雲與衡吳先生風高於賀老齊職方迹擬於淵明錢氏
世賢科之盛史門繼衣錦之榮劉求以義門顯杜趙以

處士稱或覽古以流詠或編圖而著名至若聯翩桂籍
焜耀簪纓名登史策足疊天庭蓋嘗詢之故老徃徃莫
識其名矣故千巖競秀萬壑爭流者顧長康之言也山
轉遠轉高水轉深轉清者李淛東之記也瑰奇市井佳
麗闐闐者白餘杭之詩也忠臣係踵孝子連閭者虞功
曹之對也越之山川人物其大略如此子真始驚而疑
卒歎而喜曰壯矣哉盛矣哉山川如斯人物如斯吾未
之前聞也然越在春秋僻處東夷夫子作經弃為於越

其人材風俗固未可與齊晉魯衛諸列國抗衡也今有

君所稱幾不容口豈昔日遠於京畿含香未越如王景
興之言邪抑山川降靈孕秀固自有時邪抑亦因人作
成而致然邪有君曰昔嚴朱二子為漢名卿畫繡故鄉
夾道郊迎爭觀快靚歆豔其榮故其俗始尚文學而喜
功名晉王右軍為越內史雅會蘭亭流觴曲水臨池墨
妙輝映千祀能使遺文感慨君子故其俗始尚風流而
多翰墨之士唐元微之一代奇才罷侍玉皇謫居蓬萊

賓賓鄰白唱酬往來繇是鑑湖秦望之奇益開故其俗
至今好吟咏而多風騷之才不獨此數君子也任延張
霸以尚賢為治而俗始貴士劉寵車俊以潔已化下而
人斯尚清第五倫下令而淫祀之風革諸葛恢莅政而
陵遲之俗興至若李唐刺史九十八公首有龐玉顯有
姚崇圖經十子郡績稱雄國朝逮今蓋百餘政前有文
簡後有文正題名所記比唐為盛承宣得人風俗斯美
蓋亦理之然也子真曰是誠有之然皆二千石之事爾

未足多也願聞其上者有君曰昔勾踐懲會稽之棲也
痛石室之辱也蓼日水足抱冰握火采叢於山置膽於
坐葛婦興歌名曰何苦其詞曰嘗膽不苦味若飴令我
采葛以作絲二十年間焦心苦志卒滅彊吳以雪前耻
越絕之稱權輿於此故其俗至今能慷慨以復讐隱忍
以成事若是何如子真曰茲霸者之事也傳不云乎粹
而王駁而霸彼齊桓晉文之事猶不足稱於大君子之
門况勾踐乎有君曰昔禹治水既畢與羣后計功苗山

更名會稽卒而葬焉祠廟陵寢於今尚存上有遺井下
有非泉過而飲者莫不發免魚之歎興河洛之思不獨
勾踐有其烈馬侯嗣其功至今其俗勤勞儉嗇實有禹
之遺風若是何如子真曰美哉禹功宜其代舜而有天
下也游於是窆於是廟食於是茲所以化被萬世之久
也然說者以為入聖域而未優其必有大於此者乎有
君曰舜生於諸馮孟子以為東夷之人歷世逾遠流傳
失真太史公以為冀州然邪否邪然越之邑則有上虞

餘姚山則有虞山歷山水則有漁浦三憚地則有姚丘
百官里焉有粟陶焉有竈汲焉有井祀焉有廟其遺迹
也意者不生於是則游於是乎舜為人子克諧以孝故
其俗至今烝烝是傲舜為人臣克盡其道故其俗至今
孳孳是蹈舜為人兄怨怒不藏故其俗至今愛而能容
舜為人君以天下禪故其俗至今廉而能遜若是何如
子真矍然離席而立拱手而對曰於戲噫嘻盡善盡美
雖甚盛德蔑有加矣昔季札觀樂而止於韶自韶之外

不敢觀子問風俗亦極於舜自舜之外不復問矣無妄
先生粲然失笑於旁曰固哉子真之問有君之答也茲
皆古之越非今之越也人死骨朽世變風移山川雖在
人物已非前日淳樸變而澆偽前日廉遜變而爭奪前
日勤儉變而驕怠前日忠孝變而凶悖尚何執紙上陳
迹而說說其頰舌邪有君曰先生之言是也然風俗不
常美亦不常弊善焉惡焉維人是繫今朝廷駐蹕東南
越為鉅藩密邇堯天蓋尺五間帝命重臣來鎮是邦入

境問俗登堂觀風因舜禹之遺化明吾君之至仁布德
教於黃堂變薄俗而還淳矧何世之無才亦奚有於古
今子不見夫銜命虜庭死於王事如陳公張公者乎議
禮靖康赴難建炎如華君傅君者乎是豈異代之人邪
又不見夫姚江陳公所臨有聲亦克知退身名兩榮執
政李公忤意權臣老於淪落世賢其人愍孝蔡子捐生
可悲同彼旌忠廟食於茲隱吏王君斬讐著名一門可
稱賢父難兄茲固先生目所親覩也安知後之眊今不

猶今之眡古乎先生曰有君越人也知越之風俗而已
矣昔子虛夸雲夢烏有先生詫齊亡是公折之以上林
之事今越未足侔齊楚之大尚何足以夸之有君曰昔
吳子問柳先生以晉國之事而柳以晉對今子真問子
以越國之俗而予以越荅亦各因其所問而及之爾子
豈瞢然無聞無知於越之外哉今天子披輿地之圖思
祖宗之績求治如不及見賢而太息文德既修武事時
閱蓋將舞干戚而服遠夷復侵疆而旋京闕子俟其車

書同南北一倣吉甫美周室賦崧高歌吉日招魯公命
元結磨蒼崖秃鉅筆頌中興紀洪烈邁三五夏前牒亘
天地昭日月於是窮章亥之所步攷神禹之所別覽四
海九州之風俗掩兩京三都之著述騰萬丈之光芒有
皇宗一統之賦出回眊會稽蓋甄陶中之一物無妄先
生自知失言色有餘愧乃與子真逡巡而避有君退而
寄傲於南牕有飄飄凌雲之氣


御定歷代賦彙卷三十七

謹案第三十六頁後四行前則種蠹計硯刊本硯
作研據吳越春秋改

第三十八頁後八行夫子作經弃為於越刊本弃
訛昇今改



五
十
八
二
一



總校官庶吉士臣張能照
校對官編修臣楊壽楠
謄錄監生臣吳鏞

欽定四庫全書薈要

集部

欽定歷代賦彙卷三十八

御定歷代賦彙卷三十八

都邑

東平賦

晉阮籍

九州有方圓九野有形勢區域高下物有其制開之則通塞之則否流之則行壅之則止崇之則成丘陵汗之則為藪澤逶迤漫衍繞以大壑及至分之國邑樹之表物四時儀其象陰陽暢其氣傍通迴盪有形有德雲

升雷動一叫一默或由之安乃用斯惑若觀夫隅隈之
缺幽荒之塗沕漠之域窮野之都竒偉譎詭不可勝圖
乃有徧遊之士浩養之雅凌驚颺躡浮霄清濁俱逝吉
凶相招是以伶倫遊鳳於崑崙之陽鄒子喻溫於黍谷
之陰伯高登降於尚季之上羨門逍遙於二山之岑上
邀玄圃下遊鄧林鳳鳥自歌翔鸞自舞嘉穀蕃殖匪我
稷黍其阨陋則有橫術之場鹿豕之墟匪修潔之攸麗
於穢累之所如西則首仰阿甄傍通戚蒲桑間濮上淫

荒所廬三晉縱橫鄭衛紛敷豪雋凌厲徒屬留居是以
強禦橫於戶牖怨毒奮於牀隅仍渺欲而作慝豈待久
而發諸厥土惟中劉王是聚高危臨城窮川帶宇叔氏
婚族實在其洧背險向水垢汙多私是以其州閭鄙邑
莫言或非殫情戾慮以殖厥資其土田則原壤蕪荒樹
藝失時疇畝不辟荆棘不治流潢餘澆洋溢靡之東當
三齊西接鄒魯長塗千里受茲商旅力間為率師使以
輔驕僕織邑於焉斯處川澤捷徑洞庭荆楚遺風過焉

是徑是宇由而紹俗靡則靡觀非夷罔式導斯作殘是
以其唱和矜勢背理向姦尚氣逐利因畏惟愆其居處
壅翳蔽塞窳遠弗章倚以陵墓帶以曲房是故居之則
心昏言之則志哀悽罔徙易靡所寤懷其外有濁河紫
其澹清濟盪其樊其北有連岡施靡崎嶇山陵崔巍雲
電相竿長風振厲蕭條太原其南則浮汶湛湛行潦成
池深林茂樹蓊鬱參差羣鳥翔天百獸交馳雖黔首之
不淑兮儻山澤之足彌古哲人之攸貴兮好政教之有

儀彼元真之所寶兮樂寂寞之無知咨閭閻之散感兮
因回風以揚聲瞻荒榛之蕪穢兮顧東山之蔥青甘丘
里之舊言兮發新詩以慰情信嚴霜之未滋兮豈丹木
之再榮北門悲於殷憂兮小弁哀於獨誠鷓鴣一而慕
仁兮何淳朴之靡逞彼羽儀之感志兮矧伊人之匪靈
時慙悃以遙思兮飈飄颻以欲歸欽丕遊於陵顛兮舉
斯羣而競飛物修化而神樂兮寧遐觀之可追乘松舟
以載險兮雖無維而自繫騁驂騶於狹路兮顧蹇驢而

弗及資章甫以遊越兮見犀光而先入被文繡而賈戎
兮識旃裘之必襲奉淳德之平和兮孰斯邦之可集將
言歸於美俗兮請王子與俱遊漱玉液之滋怡兮飲白
水之清流遂虛心而後已兮又何懷乎患憂重曰嘉年
時之淑清兮美陽春以肇夏託颺颺而載行兮因形骸以
成駕遵間維而長驅兮問迷罔於苑風玄雲興而四周
兮寒雨淪而下降忽一寤而喪軌兮蹈空虛而遂征扶
搖蔽於合墟兮咸池照乎增城欣煌熠之朝顯兮喜太

陽之炎精馮虛舟以逞思兮聊逍遙於清溟謹玄真之
謀訓兮想至人之有形繡靡覩其紛錯兮慮彌遠而度
逼並旋軫於畎澮兮若空桑之可即言淫衍而莫止兮
心繚繚而未息集舒誥以鑒戒兮賜衆誨之難測神遙
遙以杼歸兮畏雙環之在側咨禽鳥之不羣兮悼悠悠
之無極感藜藿之易脩兮攝左右之相譽懼從風而永
去兮託顛頊於鮒隅雖琴瑟之畢存兮豈聲曲之復舒
慮遨遊以覲竒兮彼上騰其馬如紛晦曖以亂錯兮漫

浩瀆而未靜理都繆而改據兮竦端委而自整制規矩
以儀衡兮占我龜以觀省眺茲輿之所徹兮實斯近而
匪遠豈三年之無問兮將一往而九反顧杲日之初開
兮馳曲陵而飾容時零落之飄颻兮試枯菀之必從釋
遼遙之闊度兮習約結之常契巡襄城之間牧兮誦純
一之遺誓被風雨之沾濡兮安敢軒翥而遊署竊悄悄
之眷貞兮奉恬淡而永世豈淹留以為感兮將易貌乎
殊方乃擇高以登樓兮永欣欣而樂康

洛陽懷古賦

有序

宋 邵 雍

洛陽之為都地居天地之中有終天之王氣在焉予家
此治平歲會秋乘雨霽與殿院劉君王登天宮寺三寶
閣洛之風景因得周覽惜其百代興廢以來天子雖都
之而多不得其久居也故有懷古之感以通諷諭君王
好賦以賦言

秋雨霽日色清景方出秋益明何幽懷之能快唯高閣
之可憑天之空廓風之輕冷覽三川之形勝感千古之

廢興乃眷西北物華之妍雲情物態一氣茫然擁樓閣
以高下煥金碧之光鮮當地勢之拱處有王居之在焉
惜乎天子居東都此邦若諸夏不會要於方來不號令
於天下聲明文物不此而出道德仁義不此而化宮殿
森列鞠而為茂草園囿碁布荒而為平野鑿輿曾不到
者三十餘年使人依然而歎曰虛有都之名也噫夏王
之治水也四海之內列壤惟九而居中者實曰豫州荆
河之北此為上流周公之卜宅也率土之濱建國為萬

而居中者實曰洛陽瀍澗之側此唯舊邦迄於今日二
千年之有餘因興替之不定故靡常其厥居我所以作
賦者閱古今變易之時述興亡異同之迹追既失之君
王存後來之家國也噫太昊始法二帝成之三王全法
參用適宜伊六聖之經理實萬世之宗師我乃謂治民
之道於是乎大盡矣逮夫五霸抗軌七雄駕威漢之興
乘秦之敝曹之擅幸漢之衰始鼎立而治終豆分而隳
晉中原之失守宋江左之畫畿或走齊而驛魏或道陳

而經隋自元魏廓河南之土植六朝之風物李唐蟠關
中之腹孕五代之亂離其間或道勝而得民或兵強而
憎下或虎吞而龍噬或雞狂而犬詐或創業於艱難或
守成於逸暇或覆餗而終焉或苞桑而振者故得陳其
六事雖善惡不同其成敗一也其一曰大哉德之為大
也能潤天下必先行之於身然後化之於人化也者效
之也自人而效我者也所以不嚴而治不為而成不言
而信不令而行順天下之性命育天下之生靈其帝者

之所為乎其二曰至哉政之為大也能公天下必先行
之於身然後教之於人教也者正之也自我而正之者
也所以有嚴而治有為而成有言而信有令而行拔天
下之疾苦遂天下之生靈其王者之所為乎其三曰壯
哉力之為大也能教天下必先豐府庫峙倉箱銳鋒鏑
峻金湯嚴法令於烈火肅兵刑於秋霜竦民聽於上下
惴夷心於外荒其霸者之所為乎其四曰時若傷之於
隨失之於寬始則廢事久則生姦既利不能勝害故狂

得以疾賢是必薄其賦歛欲民不困而民愈困省其刑
罰欲民不殘而民愈殘所致之之道失其本矣其五曰
時若任之以明專之以察始則烈烈終焉缺缺既上下
以交虐乃恩信之見奪是必峻其刑罰欲民不犯而民
愈犯厚其賦歛欲國不竭而國愈竭蓋致之之道失其
末矣其六曰水旱為沴年歲豐虛此天地之常理雖聖
人不能無蓋有備而無患不得中者加以寬猛失政重
輕逸權不有水旱而民已困而况有水旱兵革焉所謂

本末交失不亡何待天下有成敗六焉此之謂也君天下者得不用聖帝之典謨行明王之教化士可殺不可辱民可近不可下上能撫如子焉下必戴其后也仲尼所以陳革命則抑為人之匪君明遜國則杜為人之不臣定禮樂而一天下之政教修春秋而罪諸侯之亂倫刪詩以揚文武之美序書以尊堯舜之仁贊大易以都括與六經而並存意者不可以地之重易民之教不可以民之教悖天之時必時教之各備則居地而得宜是

故知地不可固有之也君上必欲上為帝事則請執天道焉中為王事則請執人道焉下為霸事則請執地道焉三道之間能舉其一千古之上猶反掌焉則是洛之興也又何計乎都與不都也如欲用我吾從其中

吳興賦

元趙孟頫

猗與休哉吳興之為郡也蒼峰北峙羣山西迤龍騰獸舞雲蒸霞起造太空自古始雙谿夾流繇天目而來者三百里曲折委蛇演漾連漪束為碕灣匯為湖陂泓渟

皎澈百尺無泥貫乎城中繚於諸毗東注具區渺渺
泔泔以天為隄不然誠未知所以受之觀夫山川映發照
朗日月清氣焉鍾冲和攸集星列乎斗野勢雄乎楚越
神禹之所奄宅自漢而下往往開國洎晉城之攬秀據
實沿流千雉面勢作邑是故歷代慎牧必掄大才選有
識前有王謝周虞後有何柳顏蘇風流互暎治行同符
皆所以宣上德意俾民歡娛况乎土地之所生風氣之
所宜人無外求用之有餘其東則塗泥膏腴畝鍾之田

宿麥再收秔稻所便玉粒長腰照管及箱轉輸旁郡常
無凶年其南則伏虎之山金蓋之麓浮圖標其巔蘭若
栖其足鼓鐘相聞飛甍華屋衡山絕水魯史所錄盤紆
犬牙陂澤相屬蒹葭菰蘆雞頭荷華菱茗鳧茨荏蒲軒
于四望弗極烏可勝數其中則有魴鯉鰪鱮頭白小
鱸鰕膾餘龜鼈龜鼈有蛟龍焉長魚如人歎浪生風一
舉百鈞漁師來同網罟笱簖罩汕是工鳴榔鼓柁隱然
商宮巨細不遺唵唵喁喁日亦無窮其西則重岡複嶺

川原是來其北則黃龍瑤阜之洞玲瓏長壽之塢懸水
百仞既高且阻豁衍嵌崟歲磊礪礪怪石萬數旅乎如
林其高陵則有楊梅棗栗榘梨木瓜橘柚夏孕枇杷冬
華槐檀松柏椅桐梓漆之屬文竿綠竹篠蕩雜暹味登
俎豆材中宮室下逮薪樵無求不得其平陸則有桑麻
如雲郁郁紛紛嘉蔬含液不蓄長新陸伐雉兔水弋鳧
鴈舟楫之利率十過半衣食滋殖容容衍衍既樂且庶
匪教伊慢於是有措紳先生明先聖之道以道之建學

校立庠序服逢掖戴章甫濟濟多士日躋於古迺擇元
日用量幣尊立酒陳簋簋選能者秉周禮贊者在前獻
者在後雍容俯仰周旋節奏成禮而退神人和右當是
之時家有詩書之聲戶習廉耻之道辟雍取法列郡觀
效誠不朽之盛事已或者難曰自古論著之士曷嘗不
談人物紀風俗哉夫人才者濟時之具而風俗者為治
之質也今子徒摭摭細碎排比貨食高談不切炫耀自
飾莫大於斯二者顧乃略而弗錄雖文奪組繡聲諧金

石竊為子不取也僕應之曰否子獨不聞夫子之言乎

十室之邑必有忠信今年且千載地且千里人物之富
胡可殫紀史冊畢書可無贅矣若乃風俗之隆汙在為
政者之所移易又弗可得而定著也夫吳雖介在江左
嘗被至德之風矣且吾聞之風行而草偃日中而表正
上行下效置郵傳命譬若季子為守言游為令以仁義
為化禮樂為政鎮以不貪之寶喻以不言之信即刑可
使不用俗可使益盛方將還敦朴於上古考休祥於庶

徵今美則美矣又可遂以為定乎於是難者唯唯逡巡而失意

南溟奇甸賦

有序

明丘濬

伏讀太祖高皇帝御製文集其勞海南衛指揮救有曰南溟之浩瀚中有奇甸數千里地居炎方多熱少寒是時瓊郡入職方僅再暮其地在炎天漲海之外荒僻鄙陋而我聖祖即視之以畿甸而褒之以奇之一言豈無意哉謹按文集若干卷其中勞天下軍衛詔救何啻百

數大率叙其邊徼險遠將領勤勞征戍艱苦而已未始有褒美其疆域若此者噫聖人之心與天通物之美惡必豫有以知其後之所必然於千百載之前則夫吾郡之在今日民物繁庶風俗淳美賢才彙興無以異乎神州赤縣之間且復俊邁竒詭迥異常儔有由然哉濟世家於海南北學於中國偶有所見謹拜手稽首而為之賦曰

爰有竒甸在南溟中邈輿圖之垂盡縣地脈以潛通山

別起而為崑崙水畢歸以為溟渤氣以直達而專勢以不分而足萬山縣延茲其獨也百川瀰茫茲其谷也豈非負嶠瀛洲之別區神州赤縣之在異域者邪有奇一士全鍾其氣北學於中國頡頏乎天下之士於是叫閭闐呈琅玕翱翔乎玉堂徘徊乎道山肆言六合之外馳騁百氏之間自詫所生之奇勝敢為高論恣為大言翰林主人聞之駭而訝焉曰吁子來前子生寰區之外漲海之邊學何所受道何所傳何所從而至此何所見而

云然試為我一言之吾將即子之所云云者以紀載
於簡編士曰唯唯乃作而言曰自夫天一生水融而為
川地十成土結而為山川者天地之血脈山者天地之
肌骨血脈流行於肌骨之中決於中而外出出乎外而
環其中是為一大堪輿也具元氣之渾淪容日月之出
沒然而大堪輿之外突起於浩漭之中而為小堪輿者
又不知其凡幾窟穴也是故其大而顯者為帝王之宇
其小而幽者為神仙之丘帝王之宇是為神州赤縣神

仙之丘是為員嶠瀛洲一則非骨蛻羽化莫能到而非
常理一則雖聲明文物之所萃而非真游惟走所居之
地介乎仙凡之間類乎島夷而不夷有如仙境而匪仙
以衣冠禮樂之俗居閭風玄圃之墟勢盡而氣脈不斷
域小而結局斯全九州一大宇茲為其奧四海一通川
茲為其竅上至北極僅十九度於天為近遠至神京幾
一萬里於地為大茫茫巨浸兮與天為界漠漠平川兮
壯地之介豈非天造地設藏此奇勝於遼絕之域用以

見天聽之孔甲表王化之無外邪其為甸也可謂竒矣
然竒而不怪焉翰林主人曰子之言辯矣豈其然歟載
考諸古茲地禹貢之所不載職方之所不書郡縣始漢
武之世分野僅星紀之餘在漢七世固嘗棄之蓋不以
之為有無也且甸者王畿之名非所以為遐外之域竒
者殊常之稱不可以加寂寞之墟子之何所據而云乎
士曰茲豈走之言哉於是乎惕然興悚然懼舉手加額
北望向天百拜稽首而颺言曰此我太祖聖神文武統

天大孝高皇帝金口之所宣也大哉皇言乎自吾茲地
而得茲言地益增而高物若加而妍山林草木濯濯然
如在昆吾御宿之近封疆畛域整整然如與侯服邦畿
以相連嗟夫地以人勝從昔則然蘭渚以義之而著天
台以孫綽而傳夫以殘山剝水之勝一經騷人墨客之
所賞詠尚揚芳於四外流美於當年矧茲竒甸環海以
為疆者餘二千里縱步以行兮地雖甚遐仰首而觀兮
天則伊邇一經大聖人之所品題山勢駸駸而內向波

光躍躍而立起物則且然人可知已然則走所言者豈
無所以邪主人乃仰然而思俯然而歎曰良有以也願
聞其所以士曰走也少而游庠序壯而走四方雖生於
是甸之中而甸之所以為竒也容有所不能詳蓋常歷
考夫禹益之所紀緬想夫章亥之所步古往今來之宙
上下四方之宇天左舒而起牽牛地右闢而起昴畢天
有四維地有四極東至於秦遠西踰於邠國南訖於濮
鈇北底於祝栗管子言名山三千墨氏云名川三百三

百之川總歸匯於東南三千之山皆發源於西北是則
海者川之所委嶺者山之所積茲甸也居嶺海之盡處
又越其涯而獨出別開絕島千里之疆總收中原百道
之脈者也原夫天下之山皆自夫崑崙而來越戎而夏
出險即夷分為兩界析為三支其中一支自中條經淮
越江而極於衡霍遂散亂而分披至北而地勢將盡乃
益險巖嶄巖崑崙崑崙崑崙崑崙崑崙崑崙崑崙崑崙
外其地可畫而井無以異於秦晉之近圻觀夫天下之

川皆至於溟渤而止滔滔汨汨雖日趨於東然皆折於南西而後已大起而為國都小起而為洲坻其尾閭收萬水而瀦衆流遂浩漭而無涯涘自此而水勢益下弱莫能起漶瀉沆瀣渺沔灌濟孰知一島孤峙於瀛海之中其地可葦而杭無以異於湖江之流水海可度兮不踰百里山可登兮不踰尋丈舟之行也朝斯往而夕斯返人之遊也足可履而手可杖意其磈磈乃爾坦然夷曠意其汗汗油油乃爾悠然平漫叢爾小方外之

封疆宛然大域中之氣象陽明勝而氣之運也無息機
土性殊而物之生也多竒相草經冬而不零花非春而
亦放境臨乎極邊而苑門海洩其苑氣而無瘴地門平
以受敵無固可負歲三穫以常穰有積可仰通衢絕乞
丐之夫幽谷多耆老之丈古無戰場軾語信乎有徵地
為頗善符言斷乎非妄民生存古朴之風物產有瑰竒
之狀其植物則郁乎其文采馥乎其芬馨陸摘水挂異
類殊名其動物則彪炳而有文馴和而善鳴陸產川游

詭象竒形凡夫天下之所常有者茲無不有而又有其
所素無者於茲生焉歲有八蠶之繭田有數種之禾山
富薯芋水廣鱸羸所生之品非一可食之物孔多蕪華
夷之所產備南北之所有木乃生水樹或出耐麪包於
椰豆筴於柳竹或肖人之面果或像人之手鱉出波兮
凝石鮪橫港兮堆阜小鳳集而色五並鶯遊而數偶修
鰕而龍鬚文魚而鸚喙鱗登陸兮或變火鳩樹垂根兮
乃攢金狗魁緣樹杪而飛馬乘果下而走魚之皮可以

容刀蚌之殼用以盛酒波底之砂行如郭索海澨之貝
大如玉斗花黎靡刻而文烏櫛不涅而黝椰一物而十
用其宜榔三合而四德可取木之精液爇之可通神明
烏之毳毛製之可飾容首有自然之器具有粲然之文
繡天下皆有於菟茲獨無之豈天欲居民之蕃息於此
常夜戶不閉而無觸藩之虞乎江南皆無蚶蚶茲獨有
之豈天欲寓公之久居於此使照壁見喜而無北風之
思乎噫斯地也近隔雷廉僅一水耳而物之生也乃爾

不同遠去齊晉殆萬里今而氣之通也胡為無異若是者雖云生物之偶然安知造物者之無深意也然則茲甸之所以為甸而竒之所以竒者庸有在於是主人曰然此物之竒爾如人何無乃竒之為竒獨鍾於物而遺於人邪士曰不然天地盛大流行之氣始於北而行於南始也黃帝北都涿鹿中而堯舜漸南而都於河東其後成周之盛乃自豐鎬又南而宅於洛中蓋自北而漸南非獨天地之氣為然而帝王之治亦循是以為始終

蓋水生天一而坎位於北而艮之為山又介乎東北之間自北而東折歸於南其氣之所以融結而流行者非止乎一水一山山之餘而為嶺水之委而為海而是甸居乎嶺海之外收其散而一之透其餘而出之所以通其鬱而結其解其域最遠其勢最下其脈最細是以開闢以來天地盛大流行之氣獨後其至至遲而發也遲固其理也亦其勢焉是以三代以前茲地在荒服之外而為駱越之域至於有漢之五葉始偕七郡而入於中

國曼胡之纓未易也椎結卉服之風未革也持章甫而適之尚懵而未之識也魏晉以後中原多故衣冠之族或官或商或遷或戍紛紛日來聚廬託處薰染過化歲異而月或不同世變風移久假而客反為主劇獷悍以仁柔易介鱗而布縷今則禮義之俗日新矣絃誦之聲相聞矣衣冠禮樂彬彬然盛矣北仕於中國而與四方髦士相後先矣策名天府列迹縉紳其表表者蓋已冠冕佩玉立於天子殿陛之間行道以濟時而堯舜其君

民矣孰云所謂竒者顯在物而不在人哉主人乃離席而立拱手而言曰神矣哉聖神之見乎其所謂竒者蓋至是乎驗矣士曰不然何地不生才而才生不擇地人才之生何地無之竒哉竒哉豈止是哉當我聖祖肇基之初輿圖際天地兵衛極邊鄙絲綸之音雲漢之章無日而不下無處而不至然而竒甸之言乃獨以專美乎茲地非甸而謂之甸未竒而豫期以竒豈無意哉蓋帝王之言代乎上帝聖人之心通乎天地故能握乾符而

妙奪神功闡坤珍而斡旋厚勢遠移而近書軌合以昏
同質變以文聲教暨而靡異咫尺之間振舉乎萬里斯
須之頃流通乎百世化庸腐以為神奇變雜駁以為精
粹選兮如邇未焉如既凡其所期兮罔或不遂引而弗
替兮終萬古而常常如是是則斯地之所以為甸而甸
之所以為竒雖造設於天地然所以表而章之昭示於
萬世者實本乎奉天啓運宰制山河之聖帝翰林主人
聆茲言也輟然以哈憮然以喟曰秘矣哉天之藏此地

也遠矣哉聖人之期此地也自夫天開地闢以至今日
不知凡幾運幾世矣自夫開疆辟土以建此區不知凡
幾王幾帝矣然而多視之以窮荒或遂至於遐棄孰謂
其今日有是哉不假詞臣之代言不出輔臣之建議一
旦發淵衷運睿思形之於言以為絲綸之製夫豈無所
為哉皇之言天之意也士言及此亦竒士哉於是三復
士言而繼之以歌曰明明我聖祖兮載闢地而開天上
帝眷顧兮付以其所覆之全仁周八表兮顧獨惓惓於

窮海之一壘竒哉斯旬兮何幸得聖人品題之言千秋
萬祀兮長炳炳琅琅乎天地之間

粵會賦有序

明黃佐

佐自幼知讀書十有二而舉子業成乃更學古文辭賦
嘗撰越都賦以擬左思稍長厭其枝瑣乃芟整之更曰
粵會賦避僭也其辭曰

百粵之會是為南海仰稽璿璣星紀所在黃鍾協律赤
燁流形上燭南斗之精下凝衡嶽之靈左跨荆揚五嶺

之重阻表以靈洲黃嶺之山右瞰牂牁溟渤之洪波帶
以桂鬱滇津之川神鼇奠足星鷄頰首睇睩甌閩若趨
若走前有虎頭之門限隔島夷來航萬里沂沿滌瀾而
凡就羅真臘之屬其布猶碁馬於後則白雲紫雲迤為
越臺曹幕地湧石門天開蹠以羅浮璇房瑤室穹窿齒
萃巖嶂鬱律朱明靚深鐵橋業岌神芝珍禽往往叢集
近郭則會以九曜縈以三江表裏回游奔峭飛淙沉珠
拾翠礪砢盪激入極浦而邇迴迷不知其所適於遠則

循洗口以荒極得靜福之寒林接黃連之巨嶠信南戒
之喉襟呀峽山而陟韶嶺撫神皋而挹輿區蓋自赤縣
之外於焉重啓堪輿晞陽光於夜半竭靈景之扶胥殆
有大章豎亥所不能週林間梗概靡得而書者矣方姬
錄之季隴秦擇肉勁越守險尸尉睢而推監祿雖大荒
之南徼風氣則通乎域中道汙而汙道隆而隆東井緯
聚龍戰函夏季以兆王佗以基霸遇呂雉而自君待漢
文而後順絕潼關以立國迄獲嘉而始郡鄧讓貢而漢

復炎區景攘而火終運郭馬亂吳盧循覆晉馮歸隋治
劉據唐衰至於銀降真伏雖百世可知也宜其可定為
巖邑實係皇輿之安危然而議者猥言荒裔殊異要綏
豈不戾哉自我朝聖明之適興也淮飛神龍陸翦長鯨
薄海內外罔有不庭左丞稽首遂合三城千雉宏麗五
暈飛鷺增拓黃圖延納丹溟婉周法而剗荒穢陋囂隳
之所經營於是登望則綴珠崖巨銅柱跨龍編揮鱷渚
北通燕薊吳鉤楚距萬里帆檣蠻烟蜚雨胡賈鼎來所

居成聚斷虹兆颺戩船落嶼其氣候之不齊或瞬息而
備寒暑然而謫徙寢繁華風日邁霜雪時降民不告憊
允矣樂國四方所屆實泉貨之淵藪夷夏之都會也內
則閭閻撲地長衢廣陌關闕七門溝瀆六脈眎列市廛
隊分貿易連蓋結駟埃壒相射莫不奴陶頓僕翁伯阜
張里臺濁質囊橐孔銑缺斛仍溢夫馬蹴紅腐緡繯朽
赤仄執牙籤以夜籌向什一而今千百山澤之沃鍾為
土毛禾稻綺錯杭穉穰橋塍埒交經枕海連皋秋成豐

蔚富侈相高賽社祈年或沉酒而自豪其布帛則攀枝
吉貝機杼精工百卉千華凌亂殷紅蕉芋雲浮紉縱冰
空疎絺繭暑密斜弭風其材木則楸楠松椶楓樟杉榆
檠柘穀椀榕櫟椿檣合抱隱岑千仞排虛剛柔性異貞
脆質殊卑高沃瘠各隨所如其香藥則沉檀安息白膠
青木馬牙雞舌龍腦天竺卷柏茯苓青精黃獨宜男益
母有繁其屬其果則盧橘楊梅黃蕉丹荔柑橙九金椹
柚幄翠橄欖餘甘五斂千歲人面薦仁宜濛醞水其蔬

則金蓋玉蔭香菌紫芝杞吠靈虬羊眩蹲鵠樹茄筏蕞
紅葩綠蕤擢菴盈園搖芳映畦至於雞豚散野牛馬量
谷家積登椒戶映藤竹魚鹽漆蠟其集如簇拳術廣於
齊民之篇植品參於桐君之錄矧又火伏孽覓海緼懷
珠山熾水封鑿礦攻瑜據險角力歲罔莫居殞身徇財
卒諡為愚島舶之來有粲其實錯鏤鎖釧璫璣瑾璵璣
琲瑟瑟瑋瑁瑪瑙玻璃珊瑚瑠璃車渠木難火齊陽燧
方諸龜筒鶴頂犀角象齒猫睛日耀鴉鵲霞綺流黃空

青縹碧紫英其畧如雲其曠如星蓋廣南之富傳自古
昔苟非上失其道則亦無郅於捐瘠故其民莫不因歲
時事娛嬉踰澗越井弔古探竒騰吹峻坂弭蓋清漪邀
遨頭以偕樂導雙旌而前馳亦有俠客疇人五豪七貴
掄魚鬪雞攤錢角觥六博五白絃管流沸爰長騁以遐
眺挹自然之神麗循東溪陟北岡度越橋至珠江刺桐
木槿含榮吐芳素馨茉莉旖旎芬香椰漿醉客侑以檳
榔竹枝金縷翠翹鳴璫擁空齧之蛾眉萃醜醜之衣裳

蓋處沃土而淫恣民之常也方和樂而謳吟世之昌也
使歌喬木之南有戒蟋蟀之太康則雖好樂又奚傷焉
盍亦覽霸迹以自明乎昔尉佗之在秦也方政毒痛血
民於牙咸陽瓦崩萬寓崩拏於是垂黃屋而自王總朱
垠以為家乃據秦府庫殺其長吏營宮建室自置神器
諺門曲榭坻鄂弘閔虹梁纒連雲構林植既崔嵬以宏
璉又穿豁而鼎肩左轟以朝箕踞魁結爰立相臣御史
中尉將軍郎吏盜竊秦制閣道園闕高甍甲第上崢嶸

而瓌瑋下金腹而繪績避暑離宮不知其幾訖莫能名
其一二焉猝遇陸生築臺朝漢蒸土切厓揭藥隆矸帶
霓承雲立其楨連岫複坂環其畔視奔星之俯馳挹流
泉之漉沂國終殄於穆女歸餘基之漶漫民生其時亦
孔之悲工役不息肉刑且施辟張羅以絕飛走又為豺
虎而毆之漢唐休養施於五季兵纏紫微蠹及丹裔劉
龔僭據業承先世身為蛟蜃恣厥吞噬乃自謂膺乾符
執坤樞熙鴻名恢駿圖鑿翠闕郭繚瀛作都雙闕微道

九軌經途門千戶萬宿衛周廬構乾和之寶殿法太紫
之矩模抗應龍於閭闔耀玉題與金鋪罕愚洄泆以迤
遷藻井狎獵以紛敷後宮則有禹餘太一景福龍應玉
清思玄南宮定聖南薰別殿北接明光椒鶴貫魚衽服
靚妝温室甲帳永巷迴廊飾華棖以懸黎緣繡栴以璧
璫苑囿則有昌華芳華甘泉望春飛橋跨沼崇桃映津
泛杯濯足翼翼鱗鱗離宮間館亘五十里呼鸞載道引
以蘭綺蒼蚪銜綏白澤衛軹特升中於圓丘或耕藉於

東鄙復通鄰而耀武啓封疆而自喜左三湘而右八桂
控番禺而役交趾又有玉液之池明月之峽含珠之亭
紫雲之閣傑壁對峙沈泉旁達修篁灌木青翠相發風
露披瀆於翳蒼日月投光於巖穴踞名勝而建浮屠宮
於四周者二十有八叶列宿之景曜金磬鐘鐃而互答
遵彼北川迄於西城層軒疊閣建鼓揚舲宮娥競渡貂
璫練兵招羽人於藥洲陳不死之丹經又有三事六官
府署司院蘭臺石室濟濟儒彥虎鶻開幕闡戟戣弁張

鄜列庫征權克羨金稜供御紅雲設宴蟾姬瓊仙握爵
銜憲學士自宮以求進才人調謔而相見乃設水獄劍
樹刀山槐棘之貴就僂猶管虐燄散於黃墟腥德通乎
玄間民亦何辜罹此凶艱蒙狄方興宋社將屋讖符已
廣厄鍾百六鑿輿狩於厓門竟膠舟而不復百萬王師
盡化為魚貞后忠臣之氣恒黯慘而不舒然天厭其德
神運之謀脫揚王於潰伍肇無疆之聖休則夫經慈元
之殿趾瞻永福之陵丘徵天道之終勝而奚必詠秀麥

之油油嗟我黔首羈縻於塞日為苛政所艾夷豈徒猛
於虎而已哉乃哀籲於旻穹而欣戴我聖祖皇矣聖祖
德合泰清命彼南征埽此欃槍風丘月竈款塞來庭照
幽滯以天光振潛蟄以仁聲故雖百粵之遐逝仰人文
而化成洎列聖丕承蕩蕩涵育三辰受撫四靈在畜道
胡不臻化胡不穆天地無為鼓其化者橐籥神功不宰
分其治者岳牧是以簡賢哲之彬彬用班布乎南服乃
建徽藩其藩耽耽乃建霜臬其臬巖巖都茲兵閫並立

為三驄馬行臺以察以監十府七州雌塗郡閣縣踰六
十犬牙間錯駢駢庠序泮宮俱作衛所戎行督醴理舶
巡警置郵犴司蓮幕裁棟宇而萃胥徒依崇墉而臨巨
壑於是宣天彘恤民恫播芳猷息囂風開誠展才表正
景從思齊處默抗迹敬宗使茂德流於有截而芳訊垂
於無窮含氣之屬聲教漸浹雖椎埋之雄游俠之客竒
衰之首侏儻之域莫不革面而澡心沐浴於皇澤是以
邊鄙不聳海波不揚男勤稼穡女務蠶桑黃耆鮐背遊

戲康莊耳不聞乎枹鼓目不覩乎牙璋歌禾廬之既登
談穗石之為祥今日之民可謂康矣春王初吉置酒交
會粲絢冠服鏗鏘劍佩元夕冶遊鼈鐙絳天士女如雲
寶馬瑤輶清明簪柳椒漿酬墓端午酌蒲錦標競渡中
秋重陽泛芋題糕亦既醉止其樂陶陶春秋社蜡椎牛
醜酒飲以兕觥有濡其首卒歲大儺伐鼓鳴葭侘子萬
童帔首謹譁左斬魃魃右殪蛟蛇宸網為之跼跼况黃
犬與赤鰓迄守歲而迎春俗靡愛乎紛奢觴茅柴而羹

骨董亦何恤其無家循河南岸市比如櫛齒革果布埴
鑄髹漆藤竹諸器巧逾天出烟雲連騎羅綺盈室殊方
異類豪舉彘集登山取材則柯株攢露篠蕩封塵花梨
蒲筴積猶棘薪煮海為鹽則雪濤漂紺炎甌烹素神液
磊砢甘鹵布濩至於狒狗璀璨矜鯨紛披握椒片糖天
下所資每易致而輕視或塵泥而棄之今日之民可謂
庶且富矣且夫世方倣擾則龍蛇起陸牂羊在野山呈
古劔海出丹馬今也青雲干呂靈鈺順經和飈甘澍疵

癘不興不童不涸不騫不騰嶽祇貢祉川后效禎城埤
隍社羣公先正春秋秩其祀事莫不流胙饗而飲德馨
然則山川鬼神又可謂寧矣東北多山獸走鳥翔鳥則
鷓鴣山胡鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣
鷓鴣黃裳晨風林鬱時鷓鴣山梁爰居違煖賓鴈避涼鷓鴣
以言而畏笈孔翠因羽而懼戕映明壑而迴翫戀赤霄
以悠揚獸則麀麇麇麇犴獾狨猴麇狼獾揮土麇沙牛
甲攢陵鯉箭豎豪獲辣羚角逐狸兕儻游狄鼉續幡猱

猢猻蚪飛枝擲於猱獠曾厓響乎獲孺蹲深谷而馭駃
發密藪而伊叻東南多水韜星浴日珠池貝闕菴宮鮫
室鼉鼉鯤鯢於馬宅窟鱗鬣聳山鷲脊揚鈿鱗鯉龍喙
漁鮫虎質鱗鯽嘉於丙穴鱸鮓夥於沮漆鋸張牙而戟
立鯽窺烏而墨出蝦寄目於水母蟹或腹於蠓蝓海僧
泣而占災天吳舞而颺颺冒冢網薄獲必盈槎編鱗魴
鱧鱮鱸鯊鰕鵝毛鳳尾白飯黃花腰帶橫擲比目貼沙
蒼芒蒲赤蒸雲擁霞鱗介交錯既物且躍吮沫涯孺睢

盱澆灼蚺堙蟠蚌螺蜺蠓蛤蠶帆海鏡江瑤沙白車螯

胡鯁蝤蛄蟛蜊仙掌瓦屋石首筍殼雖汀渚之滉澹猶

露鱗而潛鱈然則鳥獸魚鼈亦既咸若矣噫乎天之生

物也寒之則彫暴之則榮人之居室也多陰則幽多陽

則明惟陽明勝夫陰濁則扶輿淑氣裁而弗傾故嶺梅

炳靈英俊挺生鍊金之晶比玉之貞樂道好脩睇古振

纓騰其實則為龍光蜚其聲則化鶴鳴邁迹董正疏源

則德詒世程追蹤羅威唐頌則孝闡天經迄馮翼以儀

我天朝也格泰清奠泰寧輔皇極陳丹誠畫買買以合
紀力樞樞以承楨苟非其時不榮以祿寧為嶢嶢無然
碌碌彼其兆楚相之僊羊馴涯令之白鹿司中正於州
閭宣威信於蠻俗又孰與謝湘東以捫蘿遯甘溪而采
菊也哉若乃囊笏槐位獻鑑楓垣海燕托諷白羽銜恩
從其謨則儲闈靖謐違其諫則鞀鼓喧闐張曲江之相
開元也平章綸省獻納台司一介不取九死不移安居
則非已有却賄則畏人知劉湟川之相懿僖也鶴池攜

藻鶴駕養正臺閣品式禮樂命令直金華而獻五箴循
秩宗而贊八政馮道宗之傳天聖也力辭相樞疏十三
陳秋圃寒香頤老海濱臨邊則金人失其勇智登陴則
逆卒警其威神崔正子之為千載一人者也然且躅姬
周贊夏商鯀濬虞鷄聖唐駢貫三才蠲明五常日肴覈
乎道德期曼羨其輝光遡洙泗而洄源挾伊皋與翺翔
蓋偕昊天而出王洞化育之洋洋者乎於是侏侏青衿
番番黃髮凡竄屏葭葦與鳥獸羣者咸俛焉憤悱而罔

關旦夕敷言靡國不達執倭傲儻瑤忽昭察稅階局而
榮鏡易叨墜而閩澤乃駢坐而謳曰荷粵之昌兮荷俊
之章兮彼紛葩瓌麗曷克當兮端拱治世儀鳳凰兮後
五百歲受厥明兮圍圍縵縵雲之鄉兮綢續璘璣粵為
鄴鄉兮皇兮唐兮愜天則以無疆兮

御定歷代賦彙卷三十八